



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRAVILNIK

o dodjeli jednokratne novčane pomoći za podršku porodicama za drugo i svako naredno
rođeno dijete na području grada Zenica

Mart, 2025. godine

Na osnovu člana 11. stav (2) i 152. stav (1) tačka h) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", br. 13/07, 13/11, 14/12 - Autentično tumačenje, 3/15, 2/16, 3/17- Autentično tumačenje, 16/22 i 8/2024) i člana 11., 34. i 117. Statuta Grada Zenica ("Službene novine Grada Zenica", broj: 5/15), Gradonačelnik donosi

PRAVILNIK

o dodjeli jednokratne novčane pomoći
za podršku porodicama za drugo i svako naredno rođeno dijete na području grada Zenica

Član 1.

(Predmet Pravilnika)

Ovim pravilnikom se utvrđuje pravo na jednokratnu novčanu pomoć kao podrška porodicama za drugo i svako naredno rođeno dijete na području grada Zenica (u daljem tekstu: jednokratna novčana pomoć), uslovi, visina, postupak i način ostvarivanja prava, način finansiranja i druga pitanja od značaja za priznavanje prava.

Član 2.

(Ostvarivanje jednokratne novčane pomoći)

- (1) Pravo na jednokratnu novčanu pomoć porodica ostvaruje pod sljedećim uslovima:
 - a) da jedan od roditelja djeteta ima prijavljeno prebivalište na području grada Zenica i to u trajanju od najmanje godinu dana do dana podnošenja zahtjeva,
 - b) da je dijete rođeno i upisano u matičnu knjigu rođenih na području grada Zenica u periodu od 01.01. do 31.12. tekuće kalendarske godine.
- (2) Izuzetno od stava (1) tačka b) ovog člana pravo na podnošenje zahtjeva ima i porodica čije je dijete uslijed posebnih potreba za zdravstvenom zaštitom majke i djeteta rođeno na teritoriji Bosne i Hercegovine a da ispunjava sve uslove iz ovog pravilnika.

Član 3

(Način ostvarivanja jednokratne novčane pomoći)

- (1) Jednokratna novčana pomoć obezbjeđuje se u Budžetu Grada Zenica.
- (2) Jednokratnu novčanu pomoć iz stava (1) ovog člana odobrava Gradonačelnik zaključkom na prijedlog Službe za socijalnu zaštitu, stambene poslove i društvene djelatnosti, a prema dostavljenim pojedinačnim zahtjevima i provedenim javnim pozivima.

Član 4.

(Visina jednokratne novčane pomoći)

Visina jednokratne novčane pomoći iznosi:

- a) za rođenje drugog djeteta 300,00 KM,
- b) za rođenje trećeg djeteta 350,00 KM,
- c) za četvrto i svako naredno rođeno dijete 400,00 KM,
- d) za novorođene blizance, bez obzira na broj djece u porodici, 1.000,00 KM.

Član 5.

(Potrebna dokumentacija)

- (1) Zahtjev za ostvarivanje prava na jednokratnu novčanu pomoć podnosi se na propisanom obrascu, koji čini sastavni dio ovog pravilnika.
- (2) Uz zahtjev se se dostavlja sljedeća dokumentacija:
 - a) prijava prebivališta za oba roditelja i svako rođeno dijete (CIPS),

- b) ovjerena izjava jednog roditelja da ima prebivalište na području grada Zenica najmanje godinu dana do dana podnošenja zahtjeva,
- c) izvod iz matične knjige rođenih za svako dijete,
- d) izjava o zajedničkom domaćinstvu (kućna lista),
- e) potvrda da drugi roditelj nije ostvario jednokratnu novčanu pomoć za rođenje djeteta/djece u drugoj općini na području BiH (u slučaju da drugi roditelj ima prijavljeno prebivalište na području druge općine),
- f) potvrda banke o otvorenom tekućem računu za podnosioca zahtjeva.

Član 6.

(Postupak ostvarivanja prava)

(1) Zahtjev s pratećom dokumentacijom, u originalu ili ovjerenoj kopiji, kojom se dokazuje ispunjenost uslova dostavlja se Službi za socijalnu zaštitu, stambene poslove i društvene djelatnosti putem Protokola Grada Zenica, Trg BiH broj 6.

(2) Jednokratna pomoć se raspoređuje po redoslijedu zaprimanja zahtjeva.

Član 7.

(Rok za podnošenje zahtjeva)

Zahtjev se podnosi najkasnije do 31.12. kalendarske godine u kojoj je dijete rođeno, izuzev za djecu rođenu u mjesecu decembru gdje roditelji mogu podnijeti zahtjev najkasnije do 15. januara naredne kalendarske godine.

Član 8.

(Prestanak važenja)


Stupanjem na snagu ovog pravilnika prestaje da važi Pravilnik o dodjeli jednokratne novčane pomoći za svako novorođeno dijete na teritoriji grada Zenica, broj: 02-31-3585/22 od 10.03.2022. godine.

Član 9.

(Stupanje na snagu)

Ovaj pravilnik stupa na snagu narednog dana od dana objavljivanja na službenoj stranici i oglasnoj ploči Grada Zenica i primjenjuje se za 2025. godinu.

Broj: 02-31-3369/25
Zenica, 06.03.2025. godine

GRADONAČELNIK

Fuad Kasumović

